

Sómáji Usilá Ókkol

► Impact 211

Hánár gudam or hánggámi háwála ókkol, sáará gór ókkol adde sómáji oinno usilá ókkol ólla, dhaho 2-1-1 yáto tuñár zip nombór lekí difeçó ibát 898211

► Sojourner Family Peace Center

górána horahori-mutalleg sintaókkol ólla boli (414) 933-2722

► Community Advocates

(414) 449-4777

► Pathfinders Youth Shelter

(414) 271-1560

► Walker's Point Youth Shelter

(414) 647-8200

► Pathfinders Drop-In Center for Youth

(414) 964-2565

► La Causa Crisis Nursery

(414) 647-5990



Zehón oggwá fémilí gór sára óibó, fuain ókkol óre hítárar eskul ot tákító diya ye cánti, modot ar aramiyot foida gorítfare. Fuain ókkol óre hítára nizor eskul ot rakíbólla MPS ottú súurot ókkol asé.

Eskuillafua ókkol kamiyaab óite modot goríbólla asé de modot ókkol ór babote zanibólla añará ré fun goró.



Begór or Taalim Program (HEP)
Háas Goijjá Hédmot Ókkol ór Dhipármén
5225 W. Vliet St., Room 138
Milwaukee, WI 53208
(414) 475-8911
FAX (414) 777-7803
mpsmke.com

Tuñúi ek zaga ttú arek zagat loróor né ki?

Tuñúi honó gór háraíyo né?


MPS HEP or usilá loi tuñúi hédmot ókkol ór hókdar óitfaro!



HOMELESS EDUCATION PROGRAM

Rohingya

Barbar Goijjá Súal Ókkol



Gór sára abostát asé dé juan ókkol eskul ot kamiyab óite modot goribólla eçé **Begór ór Taalim Program** asé.

Gór sára abostát asé dé gurafuain adde juan ókkol óttu hitáar gór ola dustó ókkol ór dhoilla eskul ot kamiyab óibólla ekhí borabor mouka asé dé hían óre yekini banaibólla boli McKinney-Vento Homeless Assistance Act kaanun oré bana giil.

Zodi tuñui tákoór...

- ▶ Egena ókkol, fúñaiija ókkol, yáto oinno zon or fúñáti, tuñui gór háraíyo dé hétólla yáto oinno kessú mosibot yáto mockilat ot zoriya
- ▶ Ekkán sáara goró yáto toitta gór ot
- ▶ Ekkán hóthol yá meéman hánát, kiólla hoilé tuñáttu oinno honó súurot náí
- ▶ Oinno zehonó zagat, kiólla hoilé, tuñár kaanuni maabaf/walidar or fúñati accil dé tuñár gór óttu tuñáre neelai diya giyé yáto neelizaito hua giyyé, zeçé gór sári dáí giyyé góí dé juan ókkol cámil asé

...Añará tuñáre modot goritfari!

Hódkar óibó dé eskuillafua ókkol óttu lamar hók gún asé

- ▶ Ekhi eskul ot táká ar eskul yáan loi maana aáza gorifara, hían deçthík ór ei matá oi matá óilé fuujjonto.
- ▶ Honó rekódh (eskuilla rekódh, elaji rekódh, thika fúk marar rekódh, takár dolil, zonom sónód) sára eskul ot fúróon bótti wáa.
- ▶ Eskuillafua gwá ehón IEP hóde Háas Goijjá Taalim Program ot tákile, háas taalimi hédmot ókkol fúróon faa.
- ▶ Eskul or hazhormo ókkol ót honó ousá sára híssa lua, zeçé eskul or age ar baade hazhormo ókkol cámil asé ziín ór maali zimmadar tuñár eskul.
- ▶ Tuñár fuar eskul ottú eskul or fíis, eskul or fucák ar eskuilla sámán ókkol ór modot adde modoti hédmot ókkol faa.
- ▶ Eskul or maana háná ókkol ólla onéggané hódkar bona.
- ▶ KG'r age, Head Start, eskul or age oinno program ókkol ót bótti óon ot modot faa.
- ▶ Koléij ólla toiyar gorá adde dorhás gorát modot faa.

▶ Añár fuar eskul ot añaré hone modot gorí faribó?

Fotti ekkán eskul ot Begór ólla Bunyadi adde Uoror Tobkar Tallukat Goróiya asé. Tuñár eskul ot Bunyadi Talluk Goróiya óiye dé Eskul or Sómáji Hammwa, ar híba yé modot gorí faribó tuñár fua HEP ot bótti loite adde hité/híba ttú lage de McKinney-Vento hédmot ókkol farde hían fakka gorí té.

▶ Añará toitta ehón eskul ottú eddúur duré tákí de zeçé añará aázaa gorár usila loot nofai. Añár fuain ókkol ólla añái aázaa usila keéné faiyum?

HEP entezam goijjá aáza gorár usila foon ot babote sóbse balá torika óiye dé tuñár fuar Eskul or Sómáji Hammwa loi taaluk gorí zeddúr joldi faro tuñár hálábostá ré buzái dehá .

▶ Górá sára abostá ré tojuruba gorí baade eskuillafua ekzon hámicá lla górá ot zagóí, lékin nuwa thikána gán eskul or baás elakar baaré, toile hitára aázaa gorár usila faat tákibó né?

Ói! Ekzon eskuillafua ye hitára age uçító dé eskul (cúur eskul) ot wafes aáza llá elakar baaré usila faibo begór abostát táké de miyad ollá yáto oi eskuilla bosór fúra fuujjonto zibát mazé hitárattú górá or entezam óiye.

▶ Ekzon eskuillafua ze neki begór hibá nizebaze eskul ot bótti óifaribó né?

Ói! Ekzon eskuillafua ze Besáara Begór Juan maáni motabek óibó híbar nizebaze bótti óifaribó ar honó ousá sára eskuilla hozhormo ókkol ót cámil óifaribó, bafmaa/kaanuni zimmadar házer notákile fuujjonto. MPS HEP loi talluk goró yáto fis óttu líis goijjá thikánat aáióre añará loi dehá goró ar añará tuñár modot gorí fariyum.

▶ Toitta górá or ekzon bafmaa yáto eskuillafua ré honó eskul e eskul ot doftór goribólla yáto hitáar cúur eskul ot wafes aázaa usila faibollá boli thikánar dolil deháibólla hoifaribó né?

Nofaribó, zehón ekzon eskuillafua ré begór hísafe foriso gorázaibo, hitáararé fúróon eskul ot bótti goráforibó, aambáfe lagede habosfonna ókkol hitárattú (tákár dolil, thika fúk marar sóbut, zonom sónód, walidarir rekódh, wogáira) notákile uddá. Oi eskuillafua ókkol zetará ehón eskul ot bótti óifélaíye ar hitáar cúur eskul ot wafes aázaa usilar hódkar óiye, héi aázaa usila gán óre thikánar dolil maga sára aroz gorázaibo, zeto din fuujjonto fémilí ttú fakka gorí górá or entezam nóoiyo.

▶ Añár fuain ókkol óre HEP't mazé gelde bosór bótti gorágiil ar añará ehónó begór. Añár fua foila din eskul ot zaifaribó dé hían óre añái keén gorí fakka goríyum?

Zodiyó tuñui ehón fuujjonto ekhi thikána gán ót asó, fotti oggwá eskuilla bosór ot tuñáttu HEP't dubara bótti lua foribó. Meérbáni gorí tuñár fuar Eskul or Sómáji Hammwa (SSW) ré fún gorí zanaido de ki tuñára ehón ó toitta tákár abostát asó ar aázaa usila ré ei bosór fitín tortib diyaforibó boli hoó. Eskul cúru óibar homot dui háfta age SSW ókkol é ham cúru goré, taáke aázaa usila foila din ollá entezam goríte kafí woktó tákéfaán, lékin zeddúr joldi faro fún goró bezoruri gair-házéri ré rukibólla boli.

